



瀋水三春集卷七目錄

賦

盛京物產賦

盛京瓜果賦

盛京蔬菜賦

鹿尾賦

杏花賦

香瓜賦

松子賦



潘水三春集卷七

納蘭常安履坦著

男珉全校

琇

琦

賦

盛京物產賦

客有自瀋陽來者輒誇東珠人參貂鼠赤玉
以為希世之寶咸出

陪都而未知畜牧之蕃滋鱗介之充物生民日

海內三春集 卷一
用之所需獨甲於天下則其為寶者大矣乃
考覈而備陳之以為賦

維山澤之靈秀鍾物產之菁英若畜牧之孳息誌百
族之豐盈政令和而小雅有旒旗之夢風俗茂而風
詩述豸豸之誠至於草木之夭喬異質川雲之飛泳
殊情莫不因地脈之獨厚得以遂物性而有成粵稽
長白縣亘而崢嶸鴨綠瀟瀟而澄泓始荒作以肇治
繼拓基而經營撫三韓兮跨長城控九宇兮拱神京
考紀載之悉備徵異物之挺生則有窮山邃谷大野

平川瓊奇瑰異寶藏興焉東珠照乘產於深淵老蚌
孕秀圓流洄漩迺若搖光散采凝而為參三極五葉
背陽向陰於彼椶樹著意相尋秋結子兮紅米墜春
發花兮紫雲深亦有金貂毛豐溫潤價逾狐貉飾裘
輕俊設置羅兮松巖之峻尋踪跡兮雪徑之印羨貴
美兮朝紳匪易得兮紫襯至其赤玉玫瑰質中珪璋
美勝藍田之璧珍擬磻溪之璜方琮鮮其縝密雙穀
遜其輝光玩之愛其碌碌佩則聽其將將豈必黑如
純漆白若截肪乃足奪曾城之所植而不同燕石之

深藏然此皆入

貢之珍品而未及陸蓋海錯之難以指數詳也請更言
其大畧以待史氏之揚厲而鋪張獸則虎豹熊羆野
馬封駝犛牛犛羗之騰倚捨狽狐貉之寢訛蔭長林
以咸若藉豐草而婆娑其他牛馬谷量羊豕腓字鹿
麋充庖麇兔舉柴或效馳驅於行遠或告肥腓於祀
事鳥則野雉沙雞白翎練鵲鶻鶻鶻鶻鶻鶻燕鶻鶻
鴈鶻鶻鶻鶻鶻鶻鶻鶻鶻鶻鶻鶻鶻鶻鶻鶻鶻鶻鶻鶻鶻
飛海青逐風而掠其他鴨唳汀渚雞鳴籬落可以作

羹可以爲臠尤見其將雛哺子馴擾而紛錯魚則鱧
鯉鰕鯽鱖鱗鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓鮓
鱗鱗黃駭牛魚之無骨異鳥鰓之如囊出沒於溟滓
卵育於混茫均足以覘靈臯之博產表沃土之豐穰
自昔兩京閱博三都雄麗經一紀而奏鴻文更十年
而成雅製莫不侈靈蠢之繁多述動植之纖細況我
陪都根本所繫旣日覩其殷阜於神臯實難名樂利於
盛世聊挂一於弱毫愧敷陳之多贅

盛京瓜果賦

盛京禮部所司園池三處石園薦櫻桃邢鎮撫
屯供杏子遼陽外園出梨內園出葡萄繁盛
堡石橋千山三園並納花紅安平園出栗子
火連塞羊臘峪並出酸梨南塢園山旺芬園
各獻瓜又內務府所司遼河以東果園五十
六處果子山場三十四處遼河以西果園七
十五處並歲納櫻額梨乾榛子花紅山查香
水梨紅銷梨諸物其繁盛鮮美有兩京無以

卷一
四
多南都不能踰者寔規

興京爲發

祥之地土膏豐厚所致爰詳攷品彙分志芳園而爲之賦

有禹貢之遐陬爲肅慎之舊土界朝鮮而開疆衛遼河以拓宇江浮鴨綠合三川而入海陵山矗巫閭環南雙而砥天柱崇墉屹立傑構凌空峻閣麗峙暈飛雲中覽東遷之據勝迎顥氣於鴻濛三殿巍煥雙闕崇隆固鏤筆莫殫乎土地之饒而更僕難數乎物產

之豐佳木異卉高低鬱蔥試陳園果之繁盛聊備問俗而採風緬彼沃野猗歟

帝鄉歌大風於沛里賦湛露於岐陽莫不焜燿輿記統隸職方矧璇霄之瑞應布神臯而流光孕百產之精以供食御採芸生之類以薦馨香則有蘋婆葡萄朱櫻銀杏山楂垂枝海榴綴梗郁李流芬枸柰弄影酸櫻旣美而却煩乾榛尤佳而味永剥棗則丁香擅名削瓜而銀皮送冷梨名香水不數大谷之奇檳號花紅洵壓南天之境至如菱芡爭秀普盤蔓生松子巨

實候桃核成果無花而間出花多種而難名莫不爲
虞衡之所掌而入貢咸隸乎海城是宜剝以竹杖盛
以筠筐候味美於方熟薦時食以先嘗或羣侯之來
享或嘉賓之是將堆玉盤以分賜生金殿之輝光旣
比嶮山之甜雪亦擬蓬島之瓊漿若其誇上林而味
足命山虞而甘剖來禽之屬不如挺生之美何有喜
託根之得地宜佳實之寡偶可餐之以駐顏亦服之
而延壽以此知

留都王氣之鍾毓寔寰宇土壤之獨厚

盛京蔬菜賦

旣賦瓜果矣復見山野蔬菜之屬蕃於燕京
思函風于貉獻豨之外不廢烹葵剥棗品物
充物亦足以彰

留都之康阜而知肇基之所以興也惟是虞衡
莫窮其狀載籍莫罄其名因不憚就聞見所
及更賦其實辭曰

猗高原兮嵯峩連下隰兮平曠兆覲土於農祥徵厥
賦之惟上控山海兮引蘭峪之殷繁滙三江兮溯凌

河而蕩漾勝地豐腴隩區衰廣爰有佳蔬分攜饋餉
爾雅著藜藿之名風詩載蘋蘩之享疇陳庶草貢則
沃壤論蕃衍於今茲實方駕夫昔往爾其鹽豉則藿
韭咸登大官則山蔥相尚青翻若蓬與薤蒜萋蒿以
叢生黃入菰菘並榆肉榛磨而榮暘若夫紫堇野秀
蕪菁遍芳秦椒茶苦莞芡茴香龍芽鹿藿海藻山蘊
萬苴之青赤異色蘿蔔之紅白盈筐蹲鴟似斗以大
壺蘆有柄而長王慧羊蹄於溪之澣菠薐馬齒在水
之傍瓜名蒲鵠菜號甜漿莫不芄芄穉穉拳拳穰穰
於是向冬背秋迎春逆暑犁雨耕雲滌場納圃鮮美
洽於和羹馨香薦於錡釜脆則藍可爲披乾則筍可
爲脯乃若豆棚雨霽蘭畹風侵半菽慶茄簷之飽一
芹佐椒醕之斟味以淡而彌旨品因繁而易尋菹則
需乎一爨食何費乎萬金日斜山下煙起林陰藉婦
子之採擷漑朝昏之釜鬻村墟樂風俗之古耕鑿沐
膏澤之深斯可以續無逸之圖繪而何不賡七月於
詠吟

鹿尾賦

本草集解曰鹿馬身羊尾卧則口朝尾間以通督脈故其精液流注常在於尾今充庖所貴者惟此而關東鹿最肥厚歲例入

貢

皇仁優渥往往下逮臣工

安屢沐

頒賚必祀先以榮祖敢拜手稽首而爲之

賦

羗龍鹿之形偉兮戴斑角以蒼黃相羣友於大麓兮

惟彼巫閭之陽信春瘦而秋肥兮食九節之金菖當
及時而狩獵乃盡駭夫麋麋得巨鹿以爲獻稱斯尾
之最良相彼肥濯秋毫蒙茸卧環首其內向極柔澤
之纖穠似脂凝而爲肪注精液之醇醲絕勝豐厚之
熊掌還逾紫頰之駝峰無徒侈於鳳髓罔見嘉於猩
脣麒麟之脯孰擘牛心之炙何珍惟茲尾之蕃碩雜
鯖鮓而交陳旣嘖嘖兮觸網旋牲牲兮盈庖供調和
於鼎鼐試方法於燔炮以佐殺哉以取腍膾愛一臠
之溫煖配厚味於醇醪於是遠馳千里上貢

楓宸得易牙之識味敢進膳於

一人因仙馭之服食引督脈以葆真受青陽於履始刊瓊

膏以薦新乃荷

恩錫下逮良臣捧來

紫禁肅肅高旻拜分甘而推食宛渥露而宜春時則潔

齊告廟禴祀我祖推

恩榮於先人登苾芬於鬻釜紛海錯以羅羞何盛饌之足
數藉之以白茅配之以酪乳咸飲福而受綏般歡欣
而歌舞緣知沃土之佳產而頌周原之膾膾

杏花賦

陽回大地萬彙昭蘇關外花繁每當春暮觀
紅杏之成叢動園亭之懷想用裁為賦

有名葩之新艷舒絕世之仙姿抹曉煙而傅粉和晨
露以凝脂斜暎玉闌之側淺窺羅幕之垂對二月上
林之淑景感九旬邊地之春遲爾其令序暄和韶光
蕩漾蒼龍回馭釀微雨而成陰青鳥司分催羣葩以
競放寒食一百五日家家之香酪方陳風信二十四
番樹樹之蕤英入望恍如見媚景於江南始覺盎春

華於原上則有融蠟凌寒裁紅破暖淡艷初勻緇塵
盡澣巖間之活色爭鮮林外之生香不斷春威料峭
迷燕影之雙雙雨態淒迷間柳絲之短短於時鐵嶺
雪消石門霧霽遼海風柔盤山日麗梅花初褪於空
庭菖葉未抽於沙汭豈是輞川別館香氣溟濛不殊
豐縣深村清陰迢遰紅芳爛熳素艷清華望名園之
相倚知春色之難遮好雨知時曉濕鞦韆之索初曦
照曜晴驅蹠躩之車聽錫籥之吹徹指酒旆以天斜
迺知候應三陽地推五沃田非輕土齊民之耕作方
殷壇似緇帷比戶之書聲遙續何須東海六花爭仙
種之奇不必曲江十里見繁英之縟於以知卉木之
芳菲亦足驗朔南之風俗

香瓜賦

并序

香瓜即甜瓜也有銀皮高麗芝蔴粒諸名惟
蜜瓜尤佳考詩言王化之本獨取興於瓜
今

陪京為毓

聖之地宜其出產特盛余愛其芳香郁烈如芝蘭之在握特
表而出之

惟中和之毓秀植瓜瓞而青蔥發蒸兮滿畦上曛曠
之曉日敷榮兮老圃來淡蕩之清風碧葉絲絲而引

蔓脩藤莫莫以成叢燦金榮之熠燿結玉實而殷充
乃見紛敷布遠鬱蒼揮萌初裊裊以負甲旋纍纍而
駢生美稱素腕光類赤瑛或細肌而密理或翠甌而
瓊嬰攄文擷彩耀日揚明望裏金緗豐細務圓以成
質捧來龍膽脩短帶母而流精爾其春芽漸長夏熟
堪嘗蟬香移檻蒲鴿傾筐舌交鼻選郁烈芬芳儼斑
斑之狸首奪熠燿之霞光剝銀皮以削蒂析金刀而
剖瓢洵甜逾乎崖蜜實味奪乎蔗漿乳泉玉液未足
喻其美秋霜寒雪乃得亞其涼感靈化之凝結雜文

彩以焜煌如炙龍涎之餅似含雞舌之香自神爽而
煩釋亦醒解而困忘豈青門邵平之可比而水芝素
椀之能方爰數厥類之多族半白觚而青萋惟茲瓜
之正色應土德於神州映遼水之淪漣兮青似洗而
欲滑帶松山之紆鬱兮翠如滴而未收叨

盛世之祥和十分味足依

天府之沃衍一帶香稠嚼出水晶醅盎之氤氳乍透剖
來蒼玉蜜脾之甘液潛流以之表瑞於焉貢琛原培
養之加力沐雨露之滋深承朱盤以適口羃織絺而

鎮心將以表蜜筍桂髓之珍異豈特比羊骹虎掌之
浮沉何必侈洞臺冰谷之紛布信吳越巫山之欽崧
宜薦新於朱夏而分種於上林

松子賦

松子本草載出遼東者佳其結實獨大狀如
小栗有三角色微黃其中仁玉潤香美勝他
果尊俎間佳品也用以為賦

惟彼松子產自遼東味甘而美形大而豐蟠根於絕
壑之幽邃挺秀於峻嶺之龍從輪困偃蓋蕭森鬱蔥
黛色支霏微之朔雪蒼髯耐凜冽之嚴風老幹抽而
棟梁是賴佳果落而筐篚用充滴乳如膏含雲煙之
澹蕩剖仁似玉帶嵐翠之空濛較三秦以特異雖六

詔其靡同三鍼五鍼爲辨形之最確百歲千歲收服
食之奇功爾其色燦如金實穎似粟落清響於山空
掇微芬於巖曲浥煙霞之芳鮮孕造化之亭毒精華
擷乎瓊英至味淡於繁縟清品冠夫羣芳靈九著乎
仙籙乃若一軀銳首三角含芒負堅殼以凝質包元
氣而流香瓜瓣差勝小粟殊強或云觚稜器刳圓而
側出偶擬玉蛹腰未細而微長羗託體之最茂洵龍
牙之可方則有入地爲茯苓流精爲琥珀與芝蘭朱
草而齊榮儕素鶴元龜之靈迹何若含露以滋迎霜
而坼登之邊豆可荐宗廟之馨服以歲年一任僇仝
之擘是以乘朝陽之晴霽收筐篚於巖陰香襲衣而
不散氣入茗而彌淫豈椒馨之在握若雞舌之侵襟
或云聚之於鼯鼠故競取之於雲林雖品重於拱璧
而價未等於兼金此香肌婀娜之宜寶於閨闈而長
生辟穀之時見於雲岑也

潘水三春集卷八目錄

詩一

予於殘臘歸自塞北值梅花水仙開放各詠二首

陸辭領

聖訓恭紀

初發都門

豐潤縣除夕

永平府南臺遠眺

過孤竹塚

過射虎石懷李廣

山海關

出關

道中立春

謁姜女廟

苦寒

過寧遠州

杏山道中

十三峯

述雪詩三十首 并序

思親

牧羝

晝眠

草廬

寒集

鶴斃

放船

早朝

梁苑

書窗

割瓊

給貧

付法

晴獵

待友

旗亭

迎賓

蔡州

藍關

詩思

跨馬

邸第

化銀

行酒

烹茶

孤山

龍門

飲水

暝坐

漁屋

潘水三春集卷八

琇

納蘭常安履坦著

男珉全校

琦

詩一

予於殘臘歸自塞北值梅花水仙開放各詠二

首

梅花

塞北三年客羅浮夢不成忽親冰雪骨好結歲寒盟

想像逋仙韻追思水部情詩脾香欲透憩坐有餘清
又

驛使傳消息今開第幾枝窺簾春到早踏雪我來遲
艷冷綠花瘦香寒少蜨知調羹如有望且耐臘開時

水仙

淡白輕黃色玉臺金盞姿出泥來上苑凌水會瑤池
號國朝天日西施蹙額時清香盈几案長使客心怡

又

江南誇玉蘂薊北傲寒梅素質香千縷無心雪一堆

陞辭領

高擎承露掌如對望仙臺不待新春至東風為作媒

聖訓恭紀

肅容辭

鳳闕假寐待雞鳴玉砌排晨仗銅壺寂漏聲

天顏瞻有喜臣職任非輕

肇祉呈祥地環山傍海京倘能聆

睿訓庶可佐昇平願矢愚蒙志常隨遼水清

初發都門

北塞初歸客

興京薄宦人鐘聲禁籥隔霜跡板橋新落日臨雄鎮衝
煙過要津謾言隨所使戀

關淚沾巾

豐潤縣除夕

今夕何夕乃除夕膏車秣馬事行役行行已去

闕廷遙薄暮來投義豐驛翹首不見陳宮山思鄉橋畔塵
沙積荒涼野店行人少樓鼓聲希夜蕭索獬犬狺狺
吠葦門朔風獵獵穿窗隙家人無復獻椒盤旅食何

由覓鴉炙兒女圍爐共歎嗟宦遊不若居家適三更
酒醒櫪馬嘶起喚僕夫把鞭策

永平府南臺遠眺

策馬上南臺從陸高百丈雲氣濕征裘烈風驅塵埃
爛然金碧浮琳宮足幽賞午鐘度松林空際有餘響
左右列名山冬寒似秋爽懷古一凝眸遺風猶可想

過孤竹塚

孤竹昔封國在於尾分野歷傳至夷齊清風滿函夏
自非抱讓德簞豆不忍捨吁嗟齊景公徒誇千駟馬

過射虎石懷李廣

漢世重防邊出師領名將君與程不識寬嚴各異量
當其夜獵歸見辱應惆悵空留陽山石至今作虎狀

山海關

遼左山川誇奇勝如蟠如踞疆宇定一關屹立插雲
中鬱鬱蔥蔥符瑞應遙瞻四面峰巒起崩劣影入煙
霄裏黃狐青狸攀不得潛踪隱跡藏岷嶴大海茫茫
波蕩漾巨鼇深夜乘風上浩瀚排空勢浸天疑暝疑
明難測量就中一道通遐甸三鎮車馬日馳傳到來

俯仰形勢雄堞影濤聲神欲眩嚴關峩峩扼膂脊基
甃鐵釜無纖隙孤峙海澨鞏金湯東分西界封域畫
東指長白勢莫旣混同蹙浪鴨綠沸沿邊老驛路委
蛇開運山高鍾王氣西出關門走燕涿薄霧濃雲垂
兩角入眼岩堯不斷青渺渺去天纔一握日照高城
時啓放有截聲靈扃鑰壯行人如蟻復如蜂曳足牽
衣遙相望關頭宿將有餘勇建牙吹角威名重舉臂
一呼虓虎集令嚴不許叅閒冗龍蛇動處懸大纛翩
翩搖漾臨孔道角弓殼滿努牙鋸安排長陣防秋早

首藉青青牧戰馬蹀躞連錢滿平野豆粟不惜輓輸
勞磊落騰驤關之下憶昔殘明曾要約將帥紛紛甘
退却前兵已誅血流紅後伍復繼膏沙漠何嘗關門
得永固日剥月蝕當風雨至今燐火夜夜飛依稀猶
見戰死處我

朝

列聖秉

睿哲牧野大定垂殊烈指顧便已築京觀鯨鯢授首壺漿悅
興京作府瀋陽右

皇居壯麗勤結構有邐受命及豐岐鴻圖在掌扶宇宙渡
關不須頻仗鉞層垣疊壘皆超越化日光天破幽翳
清風四掃氛侵沒馳驟燕京路七百

宮

廟重新影輝赫應天順人卜行師瑀戈彤矢稱莫逆百年關
上聯遊騎時清來往偏容易更籌寂寂明星高黃塵
不起人酣寐天邊大澤流沆瀣食德飲和恩汪濊普
天率土皆赤子底事重關分外內我家舊住遼海側
從

龍幾代隨拱極兒孫已老歲月深關東遺跡時還憶此生遊
宦輕鄉土車飭朱輪舟搖艫更向此關恣仰瞻當年
開創猶堪數迄今天險依然建稽察非常合符券欲效作洛
敬陳書為祝天休億萬萬

出關

大海環其南羣峰峙於北長城亘萬里一關聳巖崩
關外我故鄉從

龍入中國相沿已五世曾元荷封殖西南亦宦遊北塞亦領
職此日向東行如鳥振歸翼海若斂濤聲山靈呈瑞

色風景殊可嘉驅車屢憑軾憶昔勝國時內外限門
闕今嚴擊刁斗烽燧夜不息四海今一家出入無所
惑淒風作暮寒天際雲俱黑應是雪催詩幸然攜筆
墨

道中立春

誰謂春風不度關馬前春色已斑斕勾芒乘運行時
令應向東方作意頒

謁姜女廟

嬴秦昔御宇驅役築長城城長入遼海萬杵無停聲

澹水三春集 卷八 六
爰有姜女夫築城事孤征姜女憶其夫寒衣送軍營
夫作城下土恨與長城平哀哀晝夜哭日月無光精
穹蒼感貞烈長城爲之傾我來瞻廟貌杯酒瀝前楹
苦寒

漠漠遼陽道寒威逼五更同雲含雪意空谷鼓風聲
茵疊猶嫌薄裘重但覺輕執鞭防墮指日影淡孤城

過寧遠州

匹馬循山麓單車繞海濱行行逢市井隱隱見城闔
耕種安居俗衣冠盛世民始知關塞外不盡翳黃塵

杏山道中

谿谷流澌沙路軟草芽未茁春猶淺驅車轆轤過杏
山山石玲瓏水聲轉夕陽影裏幾徘徊片雲頭上閒
舒卷憶昔

皇圖未闢初村墟籬落遭兵燹雄師百萬列行營清泉飲
涸蒼林翦須臾鐵騎從天來長驅直搗掃塵埃山容
依舊多娥媚水色但覺增滌洄依稀記得元功事愧
乏勒石班生才

十三峯

粉箋曾寫十三行今見山容兩頰頰試向車中憑軾
望宛然婀娜復端莊

述雪詩三十首 并序

歲在庚申時逢蜡臘指瀋陽之孔道出山海
之巖關曠野茫茫黃塵蔽目同雲黯黯白雪
盈眸領髭懸凌室之冰馬首類遼東之豕寒
威凜冽辭日下以長征素色空明歷春宵而
不斷爰尋古人遺蹟欲附述者後塵得事卅
條賦詩四韻不獨資笑談之一噓亦藉慰宦

跡之雅懷云爾

思親

曾子耕泰山下雨雪不得歸思父母之苦寒
作梁山操以寄志今梁父吟是其遺聲也

躬耕泰山下輟耒即思親雪霰阻歸路寒威逼老人
遙知倚門望誰把潔脩陳掩袂歌梁父哀音感鬼神
牧羝

蘇武使單于不屈單于欲困之乃使牧羝大
漠中復閉之大窖絕其食天寒饑凍武以羶

裏雪嚙而吞之得不死單于以爲神

牧羝大窖中蘇君遭坎坷朔雪舞長空看與節毛墮
幸有一羶存強吞壓饑火單于疑神助相戒勿加禍

晝眠

袁安常客洛陽值大雪盈丈縣令至門命除
雪入見安方僵卧問何以不出安曰大雪不

宜干人

寂寥袁處士僵卧雪花中蓬門希履跡土銜冷西風
幸得逢賢宰依然守固窮洛陽城半沒一任印飛鴻

草廬

焦孝然隱居潤州三宅不起結草爲廬廬被
火孝然露處石上風雪之夕晏如

深山大雪中隱士節獨苦三宅皆不起一炬乃加侮
誰與營蝸廬相對憐焦土露坐苔石間浩氣盈天宇

寒集

謝太傅寒雪日內集與兒女講論文義俄而
雪驟公欣然曰白雪紛紛何所似兄子長度
曰撒鹽空中差可擬兄女道韞曰未若柳絮

因風起公大笑樂

謝傅家風盛才多不易量寒宵成內集密雪驟前堂
鹽絮皆佳句瓊瑤空報章此時應最樂玉樹一行行

鶴氅

晉王恭丰神迥絕嘗披鶴氅衣涉雪而行孟
昶見之曰真神仙中人也

道容微學邃仙骨自天生舉體春風藹雙瞳秋水盈
似從雲竇出恰稱雪中行白鳳應同跨相將上玉京
放船

王子猷居山陰夜大雪眠覺因起望徬徨咏
左思招隱詩忽憶戴安道即便夜乘小船訪
之不至而返人問其故王曰吾本乘興而行
興盡而返何必見戴

夜半衝雪起命酒吟左詩故人在剡中不知夜何爲
小舫輕一葉信宿乃至之及門即返棹行止不復疑
早朝

宋書符瑞志大明五年正月戊午元日花雪
降殿庭時右衛將軍謝莊下殿雪集衣還白

上以為瑞于是公卿并作花雪詩

劉宋朝元日廷臣皆蘊藉履端瑞雪飄光祿從殿下
衣染六出花如將白鶴跨不獨月賦妍風韻亦無亞

梁苑

謝惠連雪賦曰梁王遊於兔園置酒命賓相
如末至居客之右俄而微霰零密雪下王乃
授簡於司馬大夫曰抽子秘思逞子妍辭侔
色揣稱為寡人賦之其辭云云

梁王雅好文相如恒侍輦殿階六出飛腹筥五車展

細把冰絲抽亂將鶴羽翦賦成歸酒壚仍取鸚裘典

書窗

孫康家貧好學冬夜不能具膏油常攜書映
雪讀之達旦不輟

清介養性靈一瓢有餘樂永夜獨披吟殘膏未照灼
方欣積雪深寒光映書橐好學愛三餘隣壁何須鑿

割氊

江革少入太學謝朓雅重之常冒雪造訪見
革擁敝絮而卧乃脫所著襦并割半氊與革

充卧具

太學寒素士年少名已重故人雪中來擁絮不輟誦
一襦即相貽半氈聊與共友誼古所敦何異分清俸
給貧

梁南平王偉好施與每冬寒積雪則遣人載
樵數百舟米數萬斛以給貧人之凍餒者百
姓莫不歌之

積雪滿曠野苦寒聲嗷嗷米珠薪似桂民命輕鴻毛
有室如懸磬無人解緼袍仁哉南平王恩與蒼天高

付法

僧慧可師事達摩常夜大雪侍立不動遲明
雪至膝曰願和尚開甘露門廣度羣品師曰
昔如來以正法眼藏付與迦葉展轉至吾今
付與汝

禪有法眼藏入地復穿天彼此相授受如燈斷續傳
慧師事達摩立雪心益堅雪中印鴻爪可以証明圓
晴獵

狄梁公雪後候其姨盧氏盧時居午橋別墅

見表弟搃矢攜兔踏殘雪而歸一揖逕去意甚簡傲梁公因微啓姨表弟有所欲否願爲悉力姨曰吾止有一子不欲令事女主

吾聞狄梁公伏臘修古禮大雪拜母姨殷殷念外弟適當縱獵歸密將私意啓不令仕女朝其額應有泚

待友

蕭至忠嘗與友人期于路隅會風雪凍冽諸人皆奔避宇下至忠曰焉有與人期而求安失信者乎獨立路傍不去

友朋以義合期約貴有信小者不能踐大節安冀慎在昔聞尾生水至將身殉風雪守路隅不愧廉與蘭

旗亭

王昌齡高適王之渙三人共詣旗亭小飲時天寒微雪有梨園伶官十數人偕妙伎四輩會讌俄而奏樂皆當時名部也昌齡等密約以生平所作詩入歌多者爲優及聞歌昌齡得二絕句適得一絕句之渙殊不自得頃之諸伎中有最佳者雙鬟發聲唱黃河遠上白

雲間一首之渙即揶揄二子各大諧笑諸伶
驚起詢其故因邀入筵席極醉盡歡而罷

瀟灑三詩人才名播宇宙蹭蹬不得志微雪成邂逅
小部集旗亭雙鬟翻舞袖畫壁記新歌揶揄驚座右

迎賓

王元寶風流雅韻每大雪之際令僕夫自門
巷掃雪迎賓客宴飲爲煖寒之會

六出飛檐楹三徑呼童掃紛迎長者車肴核具梨棗
舊醅不外求白戰詩逾好雅韻勝烹茶吾與王元寶

蔡州

憲宗討淮西未克唐鄧帥李愬與李祐定計
乘大風雪取蔡州至夜半雪逾甚行七十里
至州城擊鵝鴨池以亂軍聲鑿城而上無一
人知者遂入擒元濟

淮西有亂臣梗化五十載國老統三軍銜枚逼賊壘
天寒冰雪盛平地成白海遂縛渠魁歸鵝鴨聲猶在

藍關

韓湘子旣學道歸昌黎詢其術乃注水盆中

頃刻開碧牡丹二朶上有詩云雲橫秦嶺家
何在雪擁藍關馬不前未幾公以佛骨表貶
潮州至藍關大雪湘冒雪來曰憶花上之句
乎公悲感因續成其詩

逐客冒風雪行行抵藍關顏因憂國瘁鬢爲上書斑
共說潮州遠何如蜀道艱瘴江衰朽骨應不料生還

詩思

人問鄭谷詩思當在何處曰詩思在灞橋雪
中驢子背上

欲作驚人句無過景與情景從情裏得情向景中生
驢背雪花亂灞橋離緒縈縱無酬和者感慨一時并
跨馬

令狐揆卜築湏溪之上常雪中跨馬入城詣
張君房借書令蒼頭攜鶴負琴以隨揆乃長
吟曰借書離近郭冒雪渡寒溪友人林逸繪
圖以贈

冒雪控青驄何緣入都市荅云往借書架上缺古史
琴鶴自相隨風韻清如此友人繪爲圖知是令狐子

邸第

中書舍人路羣給事盧宏正性相異而相善
一日都下大雪路羽服出南垣茅亭搆火獨
酌聞盧至大喜亟迎入則貂璫華煥騎從如
雲赫如也路曰家釀稍醇能共醉否盧命觴
一舉而去時人聞之以爲路之高雅盧之後
邁各盡其致

率性任天真殊途同一致孤高世所欽俊邁人難跂
大雪命清觴日宴趨朝事彼此不相嫌曰各行其志

化銀

耿先生保大中召入宮雪日戲之曰能以雪
爲銀乎曰可乃取雪自投於熾炭中灰埃芒
起頃之取出則爛然爲鋌銀視其下若垂蘇
滴乳之狀

五行有正位水火形勢格雪因寒凝花銀是山流液
相將入紅鑪那能即變易先生藥公輩吏隱留幻迹
行酒

宋太祖初即位數出微行一日大雪向夜叩

趙普門普惶懼出拜帝入設重裯地坐熾炭
行酒遂與普定下江南策

藝祖英雄主微行亦無害立雪叩相門念及一榻外
命將事南征遂成風雲會良宵酒數行萬國自攸賴

烹茶

陶學士穀得黨家姬命掬雪烹茶問曰黨家
亦有此風味乎姬曰彼武人但知銷金帳內
淺斟低唱飲羊羔酒已耳

風流陶學士對雪擁嬋娟碎瓊庭際掃命取龍團煎

本以清味傲翻將酸風憐莫問黨家事興亡在眼前

孤山

呂及知杭州每訪林逋於孤山如布衣交一
日冒雪出衆謂置酒名客乃獨造逋清談至
暮而返

朔雪飄何處孤山隱士家點梅成雅韻語鶴遠紛華
命駕尋荒徑清談屏後車曾無尊酒設歸路趁寒鴉

龍門

錢文僖守西都謝希深歐陽永叔同在幕下

一日遊嵩山歸至龍門雪作登石橋遙望見
煙靄中有車渡伊水來則文僖遣厨傳歌妓
至曰山行良佳少留龍門賞雪勿遽歸

幕下多佳客嵩山結伴遊雲迷伊水渡雪滿石橋頭
飛絮縈歌扇行厨勅庶羞為傳相公語良會且淹留

飲水

蘇子瞻嘗曰臨臯亭下八十步大江半是峨
嵋雪水吾飲此水終老足矣

久宦意不適悠然思故鄉故鄉在峨嵋積雪千丈強

雪融下臨臯一瓢勝舉觴此水流不竭吾心豈能忘

瞑坐

楊龜山時游定夫酢侍伊川程子程子偶瞑
坐時與酢侍立不敢去程子既覺曰二子尚
在此乎且休矣出門門外雪深三尺

弟子事先生執禮必盡敬當其瞑坐時恪侍不敢請
冷光虛室侵門外雪方盛起視三尺深徐退承師命

漁屋

呂徽之詣一家易穀種值大雪聞東閣中有

客作雪詩分韻得滕字苦吟未就徽之笑曰
何不舉滕王蛺蝶事耶衆遂迎入請足成之
後雪晴造訪唯茅屋一間其妻自米桶中出
曰主人方捕魚溪上未還也少頃徽之以魚
換酒回盡歡而散

踏雪叩衡戶主人方吟詩爲成蛺蝶句韻險能爭奇
尋跡遠相訪正值捕魚時換酒盡歡散重來不復知

